

**L' bête bon fraiçais**  
(4 de mai, 2010, poi J-M. Moine)

Aye, dâs l' mômement qu' i vôs voiyé  
Féroche biâtè vôs m' piaîjètes  
D' l' aimoé qu' en vôs l' eûyes i pregné,  
Ch'-le-tchaimp vôs s' trévoètes.  
Mains d' qué frâche oûere vôs r'ciètes  
Tos les tieûsains qu' po vôs i pregné !  
En voin i prayé, i piainjé,  
Dains vôte dur'tè vôs saitchètes  
Fevrôjaie tot ç' qu' i f'sé.  
Meinme in djoué, i vôs graiy'né  
In migat biat qu' vôs yéjètes,  
Pe i n' sais p' c'ment qu' vôs poéyètes  
D' frâs-saing vouere ç' qu' i y' boté.  
Ah! Ât-ç' qu' è fayait qu' i vôs voyeuche,  
Ât-ç' qu' è fayait qu' vôs m' piaîjeuchîns,  
Qu' lierlainn'ment i vôs l' dieuche,  
Qu'aivô ordyeu vôs s' coidjeuchîns ?  
Ât-ç' qu' è fayait qu' i vôs ainmeuche,  
Qu vôs m' déjéhpéreuchîns,  
Pe qu' en voin i m' pitchonneuche,  
È pe qu' i vôs fâ-dûe-aidôreuche,  
Po qu' vôs m' aissaichineuchîns...

J-M. Moine